

CANADIAN MSHKOWAAKINIGEWIN NEWEN DIBINIWEZIWINAN MIINWAA DIBENINDIZOWINAN

Amiidash Geneda agii maajishkaachigaadeg newen debwe-endamowing e'nsidwaamjigaadeg Gizhe-mnidoo aawid mayaamawi niigaanzid miinwaa naagjigaadeg inaaknigewin:

Waawiindamaagem newen Dibiniweziwinan miinwaa Dibenindisowinan

1. Owi CanadianMshkowaakinigewin newen Dibiniweziwinan miinwaa Debenindizowinan waawiindamaagemgad newen dibiniweziwinan miinwaa dibenindizowinan e'zhisjigaadeg zhiwe mnik goweta owi minik agaa zhisjigaadeg inaaknigewin e'debwe-endaagwog zhiwe bagaji ayaawin bemaadzijig nagmigewaad anikooindowin.

Naagaanendaagwog Dibenindizowinan

2. Kina agwaya daa-aanan ninda naagan'endaagwog dibenindizowinan: (a) dibenindisowin owi naanaagdiwendamowin miinwaa izhitwaawin; (b) dibenindisowin owi nendamowin, debwe-endamowin, inendamowin miinwaa awii kidad enendang, dagosin dibendizowaad debaajimajig miinwaa aanin enkaazang dibaajimang; (c) dibendindizowin awii bekka maawan'iding; miinwaa (d) dibenindizowin awii wuiji-en.

Bemaadzijig Nagmigewaad Dibiniweziwinan

3. Kina agwa zhinda debendaagwog Genada daa-aan dibiniweziwinan awii aazhide'bi'iged enji naagmindwaa waajii-ejig Gichi-onashowegamig maage ozhichigaadeg onashowewin maawanjidi'win miinwaa gikendaas mazinigan yang awii wuijiwed zhiwe. 4.(1) Gaawii gego Gichi-onashowegamig miinwaa gaawii gego ozhichigaadeg onashowewin maawanjidi'win adaa aabijibesno woshme nana-biboongag apii awi daso-giizhigag agaa zhibiigaadeg awii bskaabiimgak newen maziniganan awipii aanji nagmindwaa gewe waajii'ejig. (2) Apii gegeti maage akamagaadeg miigaadwin, biindageshkaageng maage bimaakwiwaaad bemaadzijig, owi Gichi-onashowegamig adaa aankesdonaa Gichi Onashowegamig miinwaa owi ozhigaadeg onashowewin maawanjidi'win adaa aankechigaade woshme naana biboon giishpin owi aankechigaade bwaa aanwendamowaad newen nendamowinan woshme bezhig nsing minik waajii-ejig zhiwe Gichi-onashowegamig maage ozhichigaadeg onashowewin maawanjidi'win, age zhiwebkiba. 5. Ada temgad namadbiwaaad Gichi-onashowegamig miinwaa ensa bezhig naaknige gamig gnigen agwa ngodin ensa mdaaswi-shi-niish giizis.

Aandkiin Dibiniweziwinan

6.(1) Kina agwa zhinda debendaagwog Genada daa-aan dibiniweziwinan awii biindiged Genada, izkwiid maage awii ani maajaad Geneda. (2) Kina bemaadzid e'dibendaagwog maampii Geneda eyaang zhiagaabwawin aawid gaagige endaad zhinda Genada adaa-aan dibiniweziwinan (a) awii aanjiid miinwaa awii odaad dabigwaa-iidig kiinsing; miinwaa (b) awii dowaamdang nakiwin dabigwaa-iidig agwa kiinsing. (3) Newen dibiniweziwinan debaachigaadeg zhiwe aanike bakebiigan (2) dibendaagwad owi (a) naaknigewinan maage zhichigewinan owi awii mazinigan e'mashikowaamgak zhiwe kiinsing gaawii age newen e-dabsenjigemgak gewe bemaadzijig memdage agwa owi kiinsing megwaa maage zhaazhigwaa agaa daad; miinwaa (b) naaknigewinan awii mindin nendowendaagwog nekwehshkagaadeg awii adaang awii debnamang gimaa debagaadeg azhiwenjige anankiwin. (4) Aanike bakebiigan (2) miinwaa (3) gaawii adoo ngaasdosin inaaknigewin, izhichigewin maage enakiin eyaamgag owi naawichigewin zhiwe kiinsing newen ezhwebziwaaad bemaadzijig zhiwe kiinsing bimaadziwinwaa maage maajishkaawinwaa maanaaji aawan giishpin owi epiitaag nakiwin zhiwe kiinsing naami-ting magising yaawang maampii Genada.

Onashowe Dibiniweziwinan

7. Gakina awiyya daa-aan dibiniweziwinan owi bimaadziwin, dibenindizowin miinwaa waankiwin owa bemaadzid miinwaa dibiniweziwinan awii bwaa zaagtamaagaazad zhiwe naagajigaadeg newen naagaendaagwog gwayak doodaagewin. 8. Gakina awiyya daa-aan dibiniweziwinan awii waankiid owi nendwendaagsinag nanaandonamaagewin maage odaapinamaagowin. 9. Gakina awiyya daa-aan dibiniweziwinan baabgwaadam awii bwaa ngaasjigaazad maage gabaakwind. 10. Gakina awiyya daa-aan dibiniweziwinan apii dakongaaazad maage nagaashmind (a) wewiib awii wiindamowin ganji doodawind owi; (b) awii ishkonaaad giigidoninwon miinwaa wewiib awii wiindamowaad miinwaa awii windamaagaazad owi dibiniweziwinan; miinwaa (c) awii debnang gagwekwendawin enji nagaashmind agaa giizhenjigaadeg nikaazan habec corpus miinwaa awii bagidnind giishpin owi nigaashimigewin gaawii gwakaaknigaasig. 11. Wegwen agwa bemaadzid agaa dakonngaazad agii majidodang adaa-aan dibiniweziwinan (a) Wewiib awii wiindamowin owi yaawang maji-oodamowin; (b) awii dibaaknind wiiba ezhi-gshkitchigaadeg; (c) awii bwaa wiigajichi'gaasig awii aawid agaa waamjiged zhiwe dinaangidowinan azhidwin owa bemaadzid owi maji doodamowin; (d) awii nenamind gaawin agii ji-aananmendaagwogid apinish mikowind gegeti agii baataadid naagjigaadeg onashowewin zhiwe miinwaa nyaagwag noondamowin owa e-dibendizid mena gnoowaamjiged dibaaknige opabwin ; (e) awii bwaa aanwenjigaadeg zaagaji dibagewin bwaa temgak enji zhichigeng; (f) adash wiigwa owi aawang maji-doodamowin owi zhimaagnish-naaknigewin dibaaknind zhiwe zhimaagnish dibaaknige opabwin, awii dibaaknind nikaazan bemaadzijig e-dibaaknigeg zhiwe memaanji shpaag bashazhegewin owi maji doodamowin aawan gabaakogaazwin naana-biboon maage woshme kichi basha'zhegewin; (g) awii bwaa mikowind gegeti agii-baataadi zaam gego zhichigewin maage bwaa temgak, owi apii aawan maji doodamowin zhiwe Canadian maage miziwekamig onashowewin maage meji-doodan newen ezhibiigaadeg in nyaagajigaadeg in onashowe nesdowaamjigaade newen kina inkaaneziwinan; (h) giishpin gegipii bagidaakonind owi maji-doodamowin, gaawii miinwaa awii dibaakanind miinwaa owi maji-doodamowin, miinwaa, agiishpin makowind gegeti agii maji-doodang miinwaa agii bashazhewind owi maji-doodamowin, gaawii maamda miinwaa awii dibaaknigaazaad maage awii bashazhewind owi maji-doodamowing; miinwaa (i) giishpin agii makigaazad gegeti agii majidoodang miinwaa agiishpin owi basha'zhegewin agii aanjisigaadeg owi pii agaa doodang miinwaa apii agaa dibaaknigaazad, owi bamitaage woshme nondaj basha'zhegewin. 12. Kina gwaya daa-aan dibiniweziwinan awii bwaa maji-doodwind maage maanaaji doodamowin maage basha'zhegewin. 13. Agaa waamjiged wiindamaaged zhiwe dibaaknind adaa-aan dibiniweziwinan gaawii gego anaamendaagwogid gikenjigewin e'miigwed awa agaa waamjiged awii nikaazan awii anaamendaagwogid owa agaa waamjiged gegoo dibaaknigewin, amii goweta dibaaknind agii gagiinwishkid maage miigweg aagowetaagwak gikenjigewin. 14. Gwaya maage agaa waamjiged wegwen agwa iidik dibaaknigewin nestadsg maage awii giigdad owi iniwewin zhiwe enji dibaaknind enji temgak maage age giubishbed adaa-aan dibiniweziwinan awii naadmaagwad aankinosdamaagenjin.

Dibishikowendaagwag Dibiniweziwinan

15.(1) Ensa bezhig agwa bemaadzid dibishikowendaagozi jibwaa miinwaa naami onaknigewin miinwaa daa-aan dibinewiziwinan naasaab awii gnowenjigaazad miinwaa naasaab bamitaagewin owi onaknigewin bwaa dabasenijigaazad miinwaa, memdage agwa, bwaa dibasenimind zaam izhinaagozid, inakaneziwinan maage ondakaaneziwinan gaabi njibaad, enaazad, izhitwaawin, gikoowaajinaagoziwin, epiitid maage inendamowin maage wiyaw beji-gshkitood. (2) Bkaan-bigan (1) gaawii aanzwekaadesno gego onaknigewin,

nankiwin maage danakmigad e'wenaamjigaadeg owi awii woshme anishing newen ezhiwebziwaad gewe dabasenjigaazwaad bemaadzijig maage ngodwewaangizjig 'dabasenjigaazjig zaam e'dagwayaajig gewe izhinaagozid, inakaneziwin maage ondakaaneziwin gaabi nijbaad, enaazad, izhitwaawin, gikoowaajinaagoziwin, epittzid maage inendamowin maage wiyaw beji-gshkitood.

Nesdowenjigaadegin Iniwewinan Maampii Genada

16.(1) Zhaaginaashimowin miinwaa Wemitigoozhiimowin aawinon ni'i'iniwewinan maampii Genada miinwaa daa-aanaa-aa dibishko zhigaabwiwin miinwaa naasaab dibiniwezivwin miinwaa debizivwin awii nikaazan kina agwa naakii-gamgoon Gichi-onashowewiigwaam miinwaa gimaa gamig maampii Genada. (2) Zhaaginaashimowin miinwaa Wemitigoozhiimowin awaawinon nesdowenjigaadeg odi New Brunswick miinwaa naasaab azhi gnowaamjigaadenon miinwaa naasaab dibiniwezivwin miinwaa debizivwin awii nikaazan kina nakii-gamgoon owi debaaknigejig miinwaa gimaa gamig odi New Brunswick. (3) Gaawin agwa gego maampii Mshkawaakinigewining nigaasjigemasno mashkowiziwin owi Gichi-onashowewiigwaam miinwaa gimaa gamig maampii Genada awii gagaandnigaadeg owi naasaab azhi gnowaamjigaadeg maage nikaazan Zhaagnaashimowin miinwaa Wemitigoozhiimowin. 16.1 (1) Gewe Zhaaginaash iniwewin odenwinan miinwaa owi Wemitigoozhiimowin odenwinan odi New Brunswick daa-aanaa naasbaa azhi gnowaamjigaadenon miinwaa naasaab dibiniwezivwin miinwaa debizivwin edagosin dibiniwezivwin bezhigong kinomaage gamgoon miinwaa newen bezhigwon inaadizivwin wigiwaaman nendowendaagwok awii gnownenjigaadeg miinwaa awii gagaandnigaadeg ninda odenwinan. (2) Owi ado nakirwinwaa gichi-onashowewiigwaam miinwaa gimaa gamig odi New Brunswick awii gnownenjigaadeg miinwaa awii gagaandnigaadeg owi ezhigaabwiimigag, dibiniwezivwin miinwaa debizivwin agaa dibaachigaadeg zhiwe aanike-bakebiigan (1) mina daapnigaadenon. 17.(1) Kina gwaya daa-aan dibiniwezivwin awii nikaazad Zhaaginaashimowin maage Wemitigoozhiimowin zhiwe aazhidenjigewin miinwaa nankiwin zhiwe Gichi-Onashowewiigwaaming. (2) Kina gwaya daa-aan dibiniwezivwin awii nikaazad Zhaaginaashimowin maage Wemitigoozhiimowin zhiwe aazhidenjigewin miinwaa nankiwin zhiwe debaaknigejig odi New Brunswick. 18.(1) Newen inaaknigewinan, zagakbiigewinan miinwaa eshiwebak mazinigan owi debaaknigejig odi New Brunswick ada mizinaakzigaadenon miinwaa waamdowem Zhaagnaashimowin maage Wemitigoozhiimowin miinwaa neniish agwa iniwewinan zhibiiganan naasaab azhi mshkowitziimgadoon. 19.(1) Zhaaginaashimowin maage Wemitigoozhiimowin adaa nikaazan bemaadzid zhiwe, maage zhaagoonzongewin maage agaa zhisijigaadeg agaa n'jibaamgak, wegwen agwa dibaanknige gamig agaa maajishkaajigaadeg odi Gichi-Onashowewiigwaaming. (2) Zhaaginaashimowin maage Wemitigoozhiimowin adaa nikaazan bemaadzid zhiwe, maage zhaagoonzongewin maage agaa zhisijigaadeg agaa n'jibaamgak, wegwen agwa dibaanknige gamig agaa maajishkaajigaadeg odi New Brunswick. 20.(1) Wegwenidig agwa bemaadzid maapii Wegwenidig maapii Gaanandaa adaa-aan dibiniwezivwin awii dinaangidongon, miinwaa awii debanan anakiwinan odi, weweniidig agwa niigaanzii maage niigaanii nakii-gamig owi Gichi-Onashowewiigwaaming maage gimaa gamig maampii nikaazad Zhaaginaashimowin maage Wemitigoozhiimowin, miinwaa daa-aan naasaab dibiniwezivwin wegwen agwa iidik nakii gamig maage wigiwaam zhiwe (a) gichi dowendaagwok awii dinaagido miinwaa inankiwinan odi nakii gamgoon owi iniwewin; maage (b) owi eshinaagwok owi nakii-gamig, dinenjigaade owi danaangidonwin miinwaa inakiwinan odi nakii gamgoon owi awii gamig neniish agwa Shaagnaashimowin miinwaa Wemitigoozhiimowin. (2) Wegwenidig agwa bemaadzid odi New Brunswick adaa-aan dibiniwezivwin awii dinaangidongon, miinwaa awii debanan anakiwinan odi, weweniidig agwa niigaanzii maage niigaanii nakii-gamig owi Gichi-Onashowewiigwaaming maage gimaa gamig maampii New Brunswick nikaazad Zhaaginaashimowin maage Wemitigoozhiimowin. 21. Gaawii gego zhiwe bakebiiganan 16 apiinsh 20 ekwasijigaadesno maage dibasnigaadesno ngoji owi dibiniwezivwin, dabisenjigewin maage nendowendaagwok owi Zhaagnaash miinwaa Wemitigoozhiimowin, maage agwa wegwendid agwa newen, etemgak maage aabjiseemgak owi onji gego begidnigaadeg owi Gichi-Onaaknigewin maampii Genada. 22. Gaawii gego zhiwe bakebiiganan 16 apiinsh 20 ekwasijigaadesno maage dibasnigaadesno ngoji owi dibiniwezivwin gego onashowe maage inaadizivwin dibiniwezivwin maage debisenjigewin debnigaadeg maage beshigendaagwok wegwendid agwa jibwaa maage agaa shkwaa maajitaamgak mshkowitziwin maanda Mshkawaakinigewin wegwen agwa gnowaamjigaadeg iniwewin gaawii aawisnag Zhaagnaashimowin maage Wemitigoozhiimowin.

Naawaaj Iniwewin Kinomaadiwin Dibiniwezivwin

23.(1) Debendaagozjig zhinda Genada (a) Ado ntm iniwewinwaa agaa gikendamowaad miinwaa yaa-aabi e'nsastamwaad e'yaawang Zhaagnaash maage Wemitigoozhiimowin naawaaj bemaadzijig eyaa-aad zhiwe kiinsing endanakiwaad, maage (b) agaa debnamwaad ntm kinomaagewin maampii Genada agii aawan Zhaagnaashimowin maage Wemitigoozhiimowin miinwaa danakiwaad zhiwe kiinsing zhiwe owi iniwewin agii debnamwaad kinomaadiwin aawan iniwewin gewe Zhaagnaash maage Wemitigoozhiimowin naawaaj bemaadzijig eyaa-aad zhiwe kiinsing, adaa-aanaa-aa dibiniwezivwin ado binoojinmiwaan awii debnamwaad shki skoonwiwin miinwaa ekwa niizhing skoonwiwin owi niwewin zhiwe kiinsing. (2) Debendaagozjig zhinda Genada owa binoojin agaa debnang maage megwaa e'debnang shki maage ekwa niizhing skoonwiwin kinomaagewin Zhaagnaashimang maage Wemitigoozhiimang maampii Genada adaa-aanaa-aa kina ado binoojinmiwaan awii debnamwaad shki miinwaa ekwa niizhing skoonwiwin kinomaagewin naasaab iniwewin. (3) Owi dibenzivwin gewe debendaagozjig zhinda Genada zhiwe aanike-bakebiigan (1) miinwaa (2) awii yaawaa-aad adoo binoojinmiwaan awii debnamwaad shki miinwaa ekwa niizhing skoonwiwin kinomaagewin owi iniwewin gewe Zhaagnaash maage Wemitigoozhiimowin naawaaj bemaadzijig eyaa-aad zhiwe kiinsing (a) Nikaazam dibigwa-iiidig owi mnk binoojinigewe e'dibendaagoziwaad eyaamjig owi dibiniwezivwin debsewog awii miingazwaad dibagaadeg nikaazan gimaa zhoonyaa owi naawaaj iniwewin kinomaadiwin; miinwaa (b) dagosin age, zhiwe debsewog binoojinig awii debwe-endaagwok, owi dibiniwezivwin awii debnamwaad kinomaagewin zhiwe naawaaj iniwewin kinomaage gamgoon e'migwen nikaazan gimaa zhoonyaa.

Bimaaknigaadeg

24.(1) Wegwen agwa iidig adoo dibiniwezivwin maage dibendiziwinan, agaa waawiindamaagemgak maanda Mshkawaakinigewin, agii biigonigaadeg maage aagonotaageng adaa gagwediden enji dibaaknido owi negiitood anizikaaning awii debnigaadeg naawichigewin ezhi mikang dibaanknige gamig nandowendaagwok miinwaa gwayaak aawin agaa zhiwebak. (2) Zhiwe, enji dibaakniding zhiwe aanike bakebiigan (1) dibaanknige gamig guizhiitaa owi gikenjigewin agii debnigaade niki-aa agaa biigobijigaadeg maage agii aagnotaadin gego dibenzivwin maage debendiziwinan waawinjigaadeg maanda Mshkawaakinigewin, owi gikenjigewin gaawii adaa dagosizino gushpin agai mikigaadeg agii, naagdowenjigaadeg kina agaa zhiwebak, owi bagidnigaadeg owi dibaknidin adaa maanaani gnowaamjigaade owi ogimaakdaagen gwayaak doodaagewin.

Nowonjo agwa Gego

25. Maanda waawiindamaagemgak maampii Mshkawaakinigewin newen dibiniwezivwinan miinwaa dibendiziwinan gaawii adaa zhi nsastagaadesnon awii ekwasijigaadesnag maage dibasnigaadenag gego Anishinaabe, nakomidiwin maage gego bkaan dibiniwezivwinan maage debendiziwinan niwe Anishinaabe bemaadzijig maampii Genada edagosin (a) kina dibiniwezivwinan miinwaa dibendiziwinan magwa etegin owi gaa-gagwe-giwe-odaapingaade aki nakodamowinan maage agaa debnigaadeg. 26 Owi waawindamaagewin maampii Mshkawaakinigewin aanin bibinziwewinan miinwaa dibendiziwinan gaawii adaa azhi gnowaamjigaadesno bwaag gagwekwenjigaadeg gego aanin dibiniwezivwinan maage dibendiziwinan etemgak zhinda Genada. 27. Manda Mshkawaakinigewin adaa azhi gnowaamjigaade owi niki-aa naasaab yaawang owi naagdowenjigaadeg miinwaa giiknigaadeg maawando-inaadizivwin gewe Canadians. 28. Boochigwa gego zhinda Mshkawaakinigewin, newen dibendiziwinan miinwaa dibendiziwinan debaachigaadegin zhiwe gagwekwenjigaadenon nenaasab agwa ninwog maage kwewok. 29. Gaawii gego zhinda Mshkawaakinigewin ekwasijigaadesno maage dibasnigaadesno gegoow niwewin dibiniwezivwinan maage dibendiziwinan e'waawindamaagemgak maapii maage zhinda owi Gichi Inaakinigewin maapii Genada newen izhitwaawinan, bkaan maage bkaan enendamajig kinomaage gamgoon. 30. Owi dibaachigaadeg maampii Mshkawaakinigewin owi kiins maage onashowewinikiwewin maawinjidiwin maage onashowewinikiwewin owi kiinsing adaa gnowaamjigaadeg awi dagosin dibaachigaadeg Yukon Territory miinwaa Northwest Territories, maage owi maagsemgak onashowewinikiwewin gashki-iwewizivwin zhiwe, manji agwa ezhiwebak. 31. Gaawii gego zhinda Mshkawaakinigewin giiksidosiin onashowewinikiwewin mashkowiziwinan wegwenidid agwa maage gashki-iwewizivwin.

Aabadag owi Mashkowiziwinan

32.(1) Maanda Mshkawaakinigewin aabadag (a) Gichi-onashowewiigwaam miinwaa gimaa gamig maampii Genada newen bebaamendaagwok zhiwe mshkowitziwin owi Gichi-onashowewiigwaam e'dagosin kina bebaamendaagwok odi Yukon Territory miinwaa Northwest Territories; miinwaa (b) owi onashowewinikiwewin miinwaa gimaa gamig newen kina kiinsan newen kina bebaamendaagwok Yukon Territory miinwaa Northwest Territories gashki-iwewizivwin owi onashowewinikiwewin zhiwe bezhig kiinsan. (2) Boochigwa anike bakebiigaans (1), bakebiigan 15 gaawii ada maajishkaasno baamaapii niswa baboon shkwaa maajibidge maanda bakebiigan. 33.(1) Gichi-onashowewiigwaam maage onashowewinikiwewin zhiwe kiinsing adaa gagnetnaamtaagozi zhiwe inaakinigewin owi Gichi-onashowewiigwaam maage e'onashowewinikiwewin, boochigwa owi Inaakinigewin maage bagidnigewin agaa zhichigaadeg ada bamibiddeg owi bagidnigewin e'dagosin bakebiigan 2 maage bakebiigan 7 apiinsh 15 maanda Mshkawaakinigewin. (2) Inaakinigewin maage bagidnigewin owi Inaakinigewin zhiwe gichi wiindamaagewin agaa zhichigaade maampii bakebiiganing bamibiddeg adaa nikaazan age temgak-ba dash wiigwa owi begidnigewin maanda Mshkawaakinigewin agaa waawinjigaadeg zhiwe gichi-wiindamaagewin. (3) Gichi-wiindamaagewin agaa

zhichigaade aanike bakebiigan (1) adaa ngaase nishin naana biboon shkwa maajitaamgak maage woshme wiiba ezhibiigaadeg zhiwe gichi-wiindamaagewining. (4) Gichi-onashowewiigwaam maage onashowewiniwewin zhiwe kiinsing adaa enji-maaji'chigaade gichi-wiindamaagewin zhichigaadeg zhiwe aanike-bakebiigan (1).(5) Aanike bakebiigan (3) nikaazam owi gichi-wiindamaagewin agaa zhichigaadeg zhiwe aanike bakebiigan (4).

Maamiikwaadamowin

34. Maanda zhibiigan adaa gikenjigaade aawan *Canadian Mashkawaakinigewin owi Dibiniweziwin miinwaa Debendiziwinan.*

"Aabdeg nangwa agwii maajiishkaatonaanan niigaanendaagwok nyaagjigaadegin, newen e'niigaanendaagwok gechi nendamang miinwaa debwe-endamowinan e'maamwi majinigiwin aawi'ying Canadians amiidash zaagji-iiing endanakii-ing temgad dnowi bimaadziwin miinwaa izhichigewin gechi-piitendaagwok awii maamiikwendamang maanda gdoo kiim-naang maangowing dibensiwinan miinwaa kichi mina-nendamowin."

P.E. Trudeau 1981

Maanda nikii-aa zhibiigan agii mazinaakzigaade gewe Canadians iniwewinwaa gaawii aawizinag Zhaagnaashiimwin maage Wemitigozhiimiwin. Gaawii maanda aawizino ogimaa biigan owi Canadian Mshkawaakinigewin newen Dibinewiziwinan miinwaa Debendiziwinan. Ogimaa biigan adaa gnowaamjigaade giishpin dowendaman awii nsastaman maage owii nikaazyin newen begidnigewinan maanda mazinigan.